

149

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1933

T 9297.1100 B3



玉海卷第一百九十一

浚儀王應麟伯厚甫

兵捷

兵捷 露布三

唐左翊衛郎將俘車鼻可汗

高宗紀正觀二十三年十一月乙丑左翊衛郎將

通監云右高倨伐突厥永徽元年六月倨及突厥戰

金山敗之九月癸卯俘車鼻可汗以獻傳車鼻突

利部人名斛勃世為小可汗薛延陀將殺之乃竄金

山之北三垂斗絕惟一面容車騎勝兵三萬自稱乙

哈佛大學漢和
圖書館珍藏印

注車鼻可汗距長安萬里延陀衰勢益張正觀二十一年十一月遣子獻方物且請入朝帝遣將軍安調遮卽將韓華迎之車鼻無入朝意華鬪死調遮被殺帝怒二十三年遣倂發回紇僕骨兵擊之大酋長歌邏祿等降永徽元年倂師至阿息山却落不肯戰車鼻從數百騎走倂帥精騎追至金山獲之獻京師高宗責曰罪當死然先帝獲酋長必宥之乃釋縛數俘社廟見昭陵處其衆蠻督軍山建狼山都督府統之其子羯漫陀降建新黎州使領其衆葛邏祿三族皆內屬突厥盡爲封疆臣矣

共捷車

唐左領軍將軍行軍摠管破白水蠻

紀永徽二年八月己卯白水蠻寇邊左領軍將軍趙孝祖爲卽州道行軍摠管以伐之十一月戰于羅旌候山敗之三年四月庚寅又敗之按南蠻傳有顯養東魯諸蠻永徽三年與胡叢皆叛以曹繼叔爲崔州道行軍摠管戰斜山拔十餘城斬首七百獲馬犖牛萬五千

唐伊麗道行軍大摠管俘賀魯 臨軒受

俘

紀永徽二年正月乙卯瑤池都督阿史那賀魚叛六

嘉靖丁巳年

二月六日

二

何

年五月癸未程知節為葱山道行軍大揔管以伐賀
魯顯慶元年八月辛丑程知節及賀魯戰敗之九月
癸未又敗之二年閏正月庚戌以右屯衛將軍蘇定
方為伊麗道行軍揔管以伐賀魯十二月丁巳蘇定
方敗賀魯于金牙山執之三年十一月甲午蘇定方
俘賀魯以獻通監高宗顯慶二年蘇定方及西夷
厥沙鉢羅可汗至金山北擊處木昆部大破之其俟
斤嬾獨祿等帥萬餘帳來降定方撫之發其千騎
與俱右領軍即將薛仁貴上言泥孰部素不伏賀魯
為賀魯所破虜其妻子今唐兵有破賀魯諸部得泥

泥唐

孰妻子者宜歸之仍加賜資使彼明知賀魯為賊而
大唐為之父母則人致其死不遺力矣泥孰喜請從
軍共擊賀魯定方至曳咥河西沙鉢羅帥十姓兵十
萬來拒戰定方唐兵及回紇萬餘人擊之沙鉢羅輕
定方兵少直進圍之定方令步兵據南原攢稍外向
自將騎兵陳於北原沙鉢羅大敗追奔三十里斬獲
數萬人明日勒兵復進於是胡祿屋等五弩失畢悉
衆來降沙鉢羅獨與處木昆屈律啜數百騎西走時
阿史那步真出南道五咄陸部落聞沙鉢羅敗皆請
步真降定方乃命蕭嗣業回紇婆閏將胡兵趨邪羅

斯川追沙鉢羅定方與任雅相將新附之衆繼之會大雪平地二尺軍中咸請俟晴而行定方曰虜恃雪深謂我不能進必休息士馬亟追之可及若緩之彼遁逃浸遠不可復追省日兼功在此時矣乃蹋雪晝夜兼行所過收其部衆至雙河與阿史那彌射步真兵合去沙鉢羅所居二百里布陣長驅徑至其牙帳沙鉢羅與其徒將獵定方掩其不備縱兵擊之斬獲數萬人得其鼓纛沙鉢羅與其子啞運壻閭啜等脫走趨石國定方於是息兵諸部各歸其所居通道路置郵驛掩骸骨問疾苦畫疆場復生業凡爲沙鉢羅

兵捷唐

所掠者悉括還之十姓安堵如故乃命蕭嗣業將兵追沙鉢羅定方引軍還沙鉢羅至石國西北蘇咄城人馬飢乏遣人齎珍寶入城市馬城主伊沮達官詐具酒食出迎誘之入閉門執之送于石國蕭嗣業至石國石國人以沙鉢羅授之蘇定方傳從程知節征賀魯至鷹娑川賀魯率精騎五百馳擣賊衆大潰擢定方伊麗道行軍摠管復征賀魯以任雅相回紇婆潤爲副出金山北先擊處木昆部云云同通監賀魯奔石國爲所拘彌射子元爽以兵與嗣業會縛賀魯以還由是修亭障列蹊隧定疆畛問疾苦唐之

州縣極四海矣高宗臨軒定方戎服奉賀魯以獻策
功行賞賀魯傳本西突厥點密可汗五世孫也始

阿史那步真來歸國咄陸可汗以賀魯為葉護代步

真居多邏斯川咄陸失國正觀十年乙毗射匱可汗以

兵迫逐賀魯無常居部多散亡有執舍地三種以賀

魯無罪往請可汗可汗怒欲誅之乃與三種內附十二

二年四月乙亥太宗優撫之累擢左驍衛大將軍瑶池都督

二十三年二月戊子處其部於庭州莫賀城密招携散廬幕益

衆帝方崩即謀取西廷二州刺史駱弘義以聞永徽二年

高宗令賀魯遣子啞運入宿衛帝遣還啞運即勸賀

兵捷

魯引而西取咄陸可汗故地建牙於鮑河千泉自號

沙鉢羅可汗遂統咄陸弩失畢十姓以啞運為莫賀

葉護寇廷州敗數縣殺掠數千人去高宗乃詔梁

建方契必何力為弓月道行軍總管與德逸薩孤吳

仁等討之然但能破處月永徽四年又以程知節為

蔥山道行軍大總管擊之斬獲雖衆亦未得其要領

至是乃遣定方為伊麗道行軍大總管率衆窮討定

方以精騎至曳咥河西擊處木昆破之賀魯與士啞

兵十萬騎來拒定方以萬人破之俘斬二萬衆奏勝

逐比至賀魯牙二百里陣而行抵金山縱兵破其

牙俘數萬人賀魯既度伊麗水定方追至碎葉水盡奪其衆賀魯將奔之鼠耨没至石國葺咄城城主伊涅達于迎之既入拘送石國會蕭嗣業兵至取之乃悉散諸部兵開道驛收露特問人疾苦賀魯所俘悉還之西域平高宗命執賀魯獻昭陵赦弗誅

唐沙磧道行軍總管破奚契丹

紀顯慶

五年五月戊辰定襄都督阿史德樞賓為總

管伐契

丹十二月壬午及奚契丹戰敗之

通鑑四

月戊午

樞賓及延陀梯吉共李合珠並為冷所道行軍

總管各

將所部討叛奚奚降更以樞賓等出砂磧道

討劫八丹

擄其松漠都督阿卜固獻東都

薛仁貴傳

與辛文

陵破契丹于黑山執其王阿卜固獻東都

唐左驍衛大將軍安撫大使俘都曼 乾

陽殿受俘

紀顯慶

四年十一月癸亥賀魯部悉結關侯斤都曼

寇邊蘇

定方為安撫大使以伐之五年正月癸卯俘

都曼以

獻 **通監顯慶**四年思結侯斤都曼帥疏勒

朱俱波

竭槃陀三國反擊破于闐十一月癸亥以左

驍衛大

將軍蘇定方為安撫大使以討之蘇定方軍

至業葉

不思結保馬頭川定方選精兵萬人騎三千

定馳往襲之。一日一夜行三百里。詰旦至城下。都曼
敗退。保真城。及暮。諸軍繼至。遂圍之。都曼懼而出降。
五年春正月。定方獻俘於乾陽殿。法司請誅都曼。定
方請曰。臣許以不死。故都曼出降。願乞其餘生。上曰。
朕屈法以全鄉之信。乃免之。葱嶺以西。遂定。

唐神丘道行軍大總管蘇定方俘百濟

紀顯慶

五年三月辛亥。右武衛大將軍蘇定方為神

丘道行

軍大總管。新羅王金春秋為嶠夷道行軍總

管率三

軍。及新羅兵以伐百濟。八月庚辰。蘇定方

及百濟

戰。敗之。十二月戊戌。蘇定方俘百濟王。以獻

通監顯慶五年。百濟恃高麗之援。數侵新羅。新羅

王春秋上表求救。三月辛亥。以左武衛大將軍蘇定

方為神丘道行軍大總管。帥左驍騎將軍劉伯英等

水陸十萬。以伐百濟。以春秋為嶠夷道行軍總管。將

新羅之衆。與之合勢。八月。定方引軍自成山。濟海。百

濟據熊津江口。以拒之。定方進擊破之。百濟死者數

千人。餘皆潰走。定方水陸齊進。直趨真都城。未至二

十餘里。百濟傾國來戰。大破之。殺萬餘人。追奔入其

郭。百濟王義慈及太子隆逃北境。定方進圍其城。義

慈次子泰自立為王。帥衆固守。隆子文思曰。王與太

子皆在，而叔季擁兵自王，借使能却唐兵，我父子必不全矣。遂率左右踰城來降，百姓皆從之。秦不能止，定方命軍士登城立幟，秦窘迫開門請命。於是義慈、隆及諸城主皆降。百濟故有五部分，統三十七郡，二百城，七十六萬戶。詔以其地置熊津等五都督府，以其酋長為都督、刺史。十一月戊戌朔，上御則天門樓，受百濟俘，自其王義慈以下皆釋之。

蘇定方傳：定方為神丘道大摠管，定方名烈率師討百濟，自成山濟海至熊津口，賊瀕江屯兵。定方出左涯，乘山而陳，與之戰，賊敗死數千。王師乘潮而上，舳舻銜尾進，鼓而譟。

兵捷
唐

定方將步騎夾引，直趨真都城，賊傾國來酣戰，破之，殺虜萬人，乘勝入其郭。王義慈及太子隆北走，定方進圍其城。義慈子泰自立為王，率眾固守。義慈之孫文思率左右縋城下，人多從之。泰不能止，定方使士登城，建唐旗幟。於是泰開門請命，其將植與義慈降。隆及諸城送款，百濟平。俘義慈、隆、泰，以獻。定方滅三國皆生執

其王東夷傳：百濟扶餘，別種也。濱海之陽，直京師六千里而羸。武德四年，其王扶餘璋遣使獻果，下馬自是朝貢。高祖冊為帶方郡王。後五年，訟高麗梗貢道。太宗正觀初，遣使平其怨，又與新羅世仇，數相侵。帝

嘉靖丁巳年

卷百九

何

賜爾書令忘前怨璋奉表謝然亦兵不止再遣使入朝上優勞之十五年璋死太宗冊其子義慈為柱國紹王其國明年與高麗連和伐新羅取四十餘城又謀取党項城絕貢道新羅告急帝遣司農丞相里元獎齋詔解諭之聞帝親討高麗乃間取新羅七城久之又奪十餘城因不朝貢高宗立乃遣使來帝詔義慈還新羅城永徽六年新羅訴高麗百濟靺鞨取北境三十城顯慶五年乃詔左衛大將軍蘇定方率將軍劉伯英馮士貴龐孝恭等發新羅兵討之自成山濟海百濟守熊津口定方縱擊敗之王師乘潮帆以

兵捷唐

進趨真都城虜悉衆拒復破之斬首萬餘級拔其城

義慈挾太子隆走北鄙定方圍之次子泰自立為王

云云同通監

定方令士超堞立幟泰開門降遂執義

慈隆及小王孝演酋長五十八人送京師一本云十月

執義慈等案紀當在十一月必誤平其國五部三十七郡二百城戶

七十六萬乃析置熊津馬韓東明金漣德安五都督

府

唐鐵勒道行軍大摠管破鐵勒

紀龍朔元年十月癸酉鄭仁泰為鐵勒道行軍大摠

管蕭嗣業為仙巒道行軍大摠管阿史那忠為長岑

道行軍大摠管以伐鐵勒二年三月庚寅仁泰及鐵勒戰于天山大敗之三年正月仁泰討餘種平之薛仁貴傳九

姓衆十餘萬令驍騎數十來戰仁貴發三矢殺三人軍中歌曰將軍三箭定天山將士長歌入漢關會

要乾封元年三月鐵勒道行軍大摠管右武衛大將軍鄭仁泰左武衛將軍薛仁貴破鐵勒之衆於天山

唐熊津道行軍摠管破百濟

紀龍朔二年七月戊子右威衛將軍孫仁師為熊津道行軍摠管伐百濟三年九月戊子仁師及百濟戰于白江敗之通監龍朔元年初蘇定方既平百濟

兵捷唐

留其將劉仁願守百濟府城又以左衛中郎將王文

度為熊津都督撫其餘衆文度濟海而卒百濟僧道

琛故將福信聚衆據周留城迎故王子豐於倭國而

立之引兵圍仁願於府城詔起劉仁軌檢校帶方州

刺史將文度之衆便道發新羅兵以救仁願仁軌喜

曰天將富貴此翁矣於州司請唐曆及廟諱而行曰

吾欲掃平東夷頌大唐正朔於海表仁軌御軍嚴整

轉鬪而前所向皆平下百濟立兩柵於熊津江口仁軌

與新羅兵合擊破之殺弱者萬餘人道琛等乃釋

府城之圍退保任存城新羅糧盡引還道琛自稱領

嘉靖丁巳年

軍將軍福信自稱霜岑將軍招集徒衆其勢益張仁
軌衆少與仁願合軍休息士卒二年秋七月丁巳仁
願仁軌大破百濟於熊津之東拔真峴城初仁願仁
軌等屯熊津城上與之敕書以平壤軍回一城不可
獨固宜拔就新羅若金法敏藉卿留鎮宜且停彼若
其不須即宜泛海還也將士咸欲西歸仁軌曰人臣
徇公家之利有死無貳豈得先念其私主上欲滅高
麗故先誅百濟留兵守之制其心腹雖餘寇充斥而
守備甚嚴宜厲兵秣馬擊其不意理無不克既捷之
後士卒心安然後分兵據險開張形勢飛表以聞更

兵捷唐

求益兵朝廷知其有成必命將出師聲援才接凶醜
自殲非直不棄成功實亦永清海表今平壤之軍既還熊
津又拔則百濟餘燼不日更興高麗逋寇何時可滅今
且以一城之地居敵中央苟或動足即為禽虜縱入新羅
亦為羈客脫不如意悔不可追况福信殘虐君臣猜離
行相屠戮正宜堅守觀變乘便取之不可動也衆從之
時百濟王豐與福信等以仁願等孤城無援遣使謂之
曰大使等何時西還當遣相送仁願仁軌知其無備忽
出擊之拔其支羅城及尹城太山沙井等柵殺獲甚衆
分兵守之仁軌伺其稍懈引新羅兵夜傳城下攀草而

上比明入據其城遂通新羅運糧之路仁願乃奏請益
兵詔發淄青萊海之兵七千人以赴熊津福信專權與
百濟王豐浸相猜忌福信稱疾卧於室欲俟豐問疾而
殺之豐知之帥親信襲殺福信遣使詣高麗倭國乞師
以拒唐兵三年九月戊午熊津道行軍總管右威衛將
軍孫仁師等破百濟餘衆及倭兵於白江拔其周圍城
初劉仁願劉仁軌旣克真峴誠詔孫仁師將兵浮海助
之百濟王豐南引倭人以拒唐兵仁師與仁願仁軌合
軍勢大振諸將以加林城水陸之衝欲先攻之仁軌曰
加林險固急攻則傷士緩之則曠日持久周留城虜之

兵捷唐

巢穴羣兇所聚除惡務本宜先攻之若克周留諸城
自下於是仁師仁願與新羅王法敏將陸軍以進仁
軌與別將杜爽扶餘隆將水軍及糧舡自熊津入白
江以會陸軍同趨周留城遇倭兵於白江口四戰皆
捷焚其舟四百艘煙焰灼天海水皆赤王豐脫身奔
高麗王子忠勝忠志等帥衆降百濟盡平唯別帥遲
受信據任存城不下仁軌使黑齒常之沙咤相如攻
任存城拔之遲受信棄妻子奔高麗詔留劉仁軌將
兵鎮百濟召孫仁師劉仁願還百濟兵火之餘比屋
彫殘僵尸滿野仁軌始命瘞骸骨籍戶口理村聚置

官長通道塗立橋梁補隄堰復陂塘課耕桑賑貧乏
養孤老立唐社稷頒正朔及廟諱百濟大悅闔境各
安其業金石錄有百濟班師碑
麟德元年馬大斌撰

唐遼東道行臺大摠管李勣俘高麗 獻

俘昭陵 檄高麗 含元殿數俘

紀乾封元年十二月己酉李勣為遼東道行臺大摠
管率六摠管兵以伐高麗二年八月辛未李勣及高麗
戰于新城敗之摠章元年二月壬午李勣敗高麗克
扶餘南蘇木底蒼城巖城九月癸巳李勣敗高麗王
高藏執之十二月丁巳俘高藏以獻丁卯郊祭以高

兵捷 唐

麗平謝成于天己巳謁太廟

高麗傳高麗扶餘別

種其地本周箕子之國漢樂浪元菟郡正觀中蓋蘇
文弒其君高建武而立其弟之子藏為王自為莫離
支專國帝聞自討之正觀十九年破高麗于駐蹕山
攻安市城不克班師其詳見駐蹕山段二十一年三月詔牛
進達李勣等伐高麗取石城而還二十二年詔薛萬
徹等伐高麗圍洎灼城斬大酋一破其援兵三萬乃
還帝與長孫無忌計曰高麗困吾師之入不勝敝矣
明年以三十萬眾公為大摠管一舉可滅也乃詔劔
南大治船儲糧械於三山浦烏島越州治大艦偶舫

萬曆十六年

二年六月二十三日

卷一百九十一

以待會帝崩乃罷永徽五年藏以靺鞨兵攻契丹大
 風矢還激大敗契丹遣使告捷高宗為露布于朝六
 年新羅訴高麗靺鞨奪三十六城有詔程名振蘇定
 方帥師討之三月乙丑至新城敗高麗兵而還五月壬午戰于貴端
 水敗顯慶三年復遣名振率薛仁貴攻之未能克六月
壬子拔後二年五月十二天子已平百濟乃以左驍騎
 赤烽鎮月壬午大將軍契苾何力右武衛大將軍蘇定方率諸將討
 之龍朔元年八月甲戌定方破虜於沮江奪馬邑山
 遂圍平壤明年龐孝恭以嶺南兵壁蛇水蓋蘇文攻
 之舉軍沒定方解而歸乾封元年蓋蘇文死子男生

兵捷

代為莫離支與弟男建男產相怨男生據國內城遣
 子獻誠入朝求救蓋蘇文弟亦請割地降六月壬寅
 乃詔契苾何力為遼東道安撫大使龐同善高侃為
 行軍總管左武衛大將軍薛仁貴左監門將軍李謹
 行殿而行九月同善破高麗兵男生帥師來會十月
 詔以李勣為遼東道行軍大總管兼安撫大使與何
 力同善并力詔獨孤卿雲由鴨綠道郭待封積利道
 劉仁願畢列道金待問海谷道並為行軍總管受勣
 節度明年正月勣次新城合諸將謀曰新城賊西鄙
 不先圖餘城未易下遂壁西南山臨城城人縛戍酋

出降勛進拔城十有六郭待封以舟師濟海南趨平壤三年乾封三年即總章元年二月勛率仁貴拔扶餘城它城

三十皆納款同善侶守新城男建遣兵襲之仁貴救侶戰金山不勝高麗鼓而進銳甚仁貴橫擊大破之斬首五萬級拔南蘇木底蒼巖三城引兵略地與勛會侍御史賈志言計事還帝問軍中云何對曰必克昔先帝問罪所以不得志者虜未有釁也今男生兄弟闕恨爲我鄉道虜之情僞我盡知之將忠士力臣故曰必克且高麗秘記曰不及九百年當有八十大將滅之高氏自漢有國今九百年勛年八十矣虜仍

存飢地震裂狼狐入城蚡穴於門人心危駭是行不再舉矣男建以兵五萬襲扶餘勛破之薩賀水上斬首五千級俘口三萬器械牛馬稱之進拔大行城契苾何力會勛軍鴨綠拔辱夷城悉師圍平壤九月藏遣男產率首領百人降且請入朝男建猶固守出戰數北大將浮屠信誠遣謀約內應門啓兵謀而入男建自刺執藏男建等凡五部百七十六城戶六十九萬詔勛獻俘昭陵十二月丁巳帝御含章殿引見勛等數俘于庭赦藏爲司平太常伯男產司宰少卿投男建黔州部其地爲都督府者九州二十四縣百復

置安東都護府

咸亨元年四月其酋鉗牟尋反立安

舜為王庚午詔高侃為東州道李謹行燕山道行軍

總管討之二年七月乙未朔侃破之安市城三年十

二月又敗之泉山俘新羅援兵二千四年閏五月謹

行破之於發蘆河俘馘萬計凡四年乃平

薛仁貴

傳乾封初高麗泉南生內附遣將軍龐同善高侃往

慰納弟男建率國人拒弗納乃詔仁貴率師援送同

善至新城夜為虜襲仁貴擊之斬數百級同善進次

金山劔虜虜不敢前高麗乘勝進仁貴擊之凡數百

級衆即潰斬馘五千拔南蘇木底蒼巖三城遂會男

生軍仁貴負銳提卒二千進攻扶餘城諸將以兵寡

勸止仁貴曰在善用不在衆殺賊萬餘人拔其城與

李勣軍合扶餘既降它四十城相連送款威震遼海

有詔仁貴率兵二萬與仁執鎮平壤拜安東都護移

治新城撫孤制盜隨才任職高麗士衆皆欣然忘亡

元萬頃傳從李勣征高麗管書記使萬頃草檄責

高麗契苾何力傳率兵五十萬先趨平壤勣繼進

攻凡一月拔之虜其王以獻

唐姚州道行軍總管平姚州蠻

紀咸亨三年正月辛丑姚州蠻寇邊太子右衛副率

梁積壽為姚州道行軍總管以伐之。傳姚州境有

永昌蠻咸亨三年叛高宗以梁積壽為總管討平之。

中宗紀景龍元年六月戊子吐蕃及姚州蠻寇邊

姚嶲道討擊使唐九證敗之。會要神功元年閏十

月蜀州刺史張柬之上表曰姚州古哀牢國光武季

年始請內屬諸葛破南中使渠帥統之不置漢官不

留鎮守龍朔中武陵薄石子仁奏置姚州麟德元年五月八日

置其後將軍李義揔往征郎將劉惠戰死州遂廢垂

拱四年王善寶又請置州延載中司馬成琛更置瀘

南七鎮戍以蜀兵自是蜀中騷擾乞罷姚州隸嶲府

兵捷唐

不納駱賓王集姚州道破諾波弄揚虔露布浮竹

遺嗣沉木餘苗地接冉駝詞屢殫於喻蜀俗通槃瓠

聲不輟於吠堯又破設蒙險露布竹浮三節肇興外

域之源木化九隆頗為中國之患三年疲衆徒聞定

祚之譏五月出師未息渡瀘之後鄭純之化不追孟

獲之風逾扇黃龍之約白馬之盟

唐雞林道行軍大總管敗新羅

紀上元元年二月壬午劉仁軌為雞林道行軍大總

管以伐新羅二年二月戰于七重城敗之通監上

元元年春正月紀二壬午以左庶子同中書門下三

品劉仁軌為雞林道大摠管衛尉卿李弼右領軍大將軍李謹行副之發兵討新羅時新羅王法敏既納高麗叛衆又據百濟故地使人守之上大怒詔削法敏官爵其弟右驍衛員外大將軍臨海郡公仁問在京師立以為新羅王使歸國二年二月劉仁軌大敗新羅之衆於七重城又使靺鞨浮海略新羅之南境斬獲甚衆仁軌引兵還詔以李謹行為安東鎮撫大使屯新羅之買肖城以經略之三戰皆捷新羅乃遣使人貢且謝罪上赦之復新羅王法敏官爵金仁問中道而還改封臨海郡公

新羅傳新羅弁韓苗裔

兵捷

也武德四年王真平遣使入貢後三年拜柱國封樂浪郡王正觀五年獻雅樂更數世並襲封為王龍朔元年以其國為鷄林州大都督府授其王法敏都督咸亨五年納高麗叛衆略百濟地守之帝怒云云同劉仁軌傳咸亨五年即上元年東伐新羅率兵絕瓠蘆河攻大鎮七重城破之

唐吏部侍郎裴行儉執都支

碎葉城刻

石紀功

紀調露元年六月辛亥吏部侍郎裴行儉伐西突厥九月壬午裴行儉敗西突厥執其可汗都支十一月癸未帝

親勞宴曰行儉提孤軍深入萬里兵不血刃叛黨禽夷可謂文武兼備矣傳咸亨二年阿史那步真死以西部突部酋阿史那都支為左驍衛大將軍兼匭延都督以安輯其眾甲朝儀鳳二年乃自號十姓可汗及李遮匭誘蕃落以動安西與吐蕃連和朝廷欲討之行儉曰吐蕃叛渙方熾安可更主事西方今波斯王死其子泥涅師質京有如遣使立之即路出蕃若權以制事可不勞而功也帝因詔行儉冊送波斯王且為安撫大食使至西州諸蕃郊迎行儉召豪傑千餘自隨揚言大熱未可以進宜駐軍須秋都支覘知之不設備行儉徐召四鎮酋長偽

兵捷

畋遊謂曰吾念此樂未始忘孰能從吾獵者於是子弟願從者萬人乃陰勒部伍數日倍道而進去都支帳十餘里先遣其所親問安否若外間暇非討襲者又使人趣召都支都支本與遮匭計及秋拒使者已而聞軍至倉卒不知所出率子弟五百餘人詣營謁遂禽之是日傳契箭召諸部渠長悉來請命並執送碎葉城簡精騎約齎襲遮匭道獲其使者釋之俾諭其王遮匭乃降悉俘至京師將吏為刻石碎葉城以

紀功王方翼築碎葉城

唐定襄道行軍大總管裴行儉破泥孰可

萬曆十六年刊

三母卷百九十一

十九

監

汗 平突厥

通監高宗調露元年冬十月單于大都護府突厥阿史德温傳奉職二部俱反立阿史那泥孰匄為可汗單于管二十四州酋長應之衆數十萬遣鴻臚卿單于大都護府長史蕭嗣業左領軍衛將軍苑大智左千牛衛將軍李景嘉等將兵討之嗣業等先戰屢捷因不設備會大雪突厥夜襲其營嗣業狼狽拔營走衆遂大亂為虜所敗死者不可勝數十一月癸未上宴裴行儉謂之曰卿有文武兼資今授卿二職乃除禮部尚書兼檢校右衛大將軍甲辰以行儉為定襄

兵捷

道行軍大總管將兵十八萬合西軍檢校豐州都督程務挺東軍幽州都督李文暕揔三十餘萬以討突厥並受行儉節度永隆元年三月裴行儉大破突厥於黑山禽其酋長奉職可汗泥孰匄為其下所殺以其首來降奉職既就擒餘黨走保狼山詔戶部尚書崔知悌馳傳詣定襄宣慰將士且區處餘寇行儉引軍還紀調露元年十一月甲辰禮部尚書裴行儉為定襄道行軍大總管以代突厥永隆元年三月戰于黑山敗之開耀元年正月寇原慶二州癸巳裴行儉為定襄道大總管以代突厥開七月庚申敗之九月壬戌裴行儉俘突厥温傳可汗阿史那伏念以獻乙丑改元突厥傳行儉既破虜於

黑山其下斬泥孰匍以首降禽温傳奉職以還餘衆
保狼山永隆中温傳又迎頡利族子伏念於夏州渡河
立爲可汗諸部響應明年遂寇原慶二州復詔行儉
搆諸軍以曹懷舜李文暕副之壁代州之陘口縱反
間說伏念令與温傳相貳因遣兵擊伏念敗之伏念
與懷舜遇戰一日爲伏念所敗伏念益北留輜重妻
子保金牙山會行儉縱單于鎮兵躡之伏念意王師
不能遠不設備及兵至惶駭不得戰遂遣使間道詣
行儉且請縛温傳自效行儉祕不布密以聞後數日
煙塵漲天而南温傳來降行儉虜送京師斬東市於

是突厥餘黨悉平帝悅遣戶部尚書崔知悌勞軍

唐河源軍經略大使敗吐蕃

紀高宗永隆元年七月己卯吐蕃寇河源辛巳左武
衛將軍黑齒常之爲經略大使開耀元年五月己丑
及吐蕃戰于良非川敗之 **黑齒常之傳**贊婆等入

寇屯良非川常之爲河源軍副使引精騎三千夜襲
其軍斬二千級獲羊馬數萬拜經略大使建言河源
當賊衝增兵鎮守乃斥地置烽七十所墾田五千頃
食衍士精永隆二年贊婆營青海常之掩破之燒糧
廩獲羊馬甲首不貲 吐蕃傳贊婆復入良非川常之擊走之 武后紀

長壽元年十月丙戌武威道行軍總管王孝傑敗吐蕃克四鎮又視元年閏七月丁酉吐蕃寇涼州隴右諸軍副大使唐休璟敗之于洪源谷 **吐蕃傳**長壽

元年武威總管王孝傑率西州都督唐休璟左武衛大將軍阿史那忠節擊吐蕃大破其衆復取四鎮更置

安西都護於龜茲以兵鎮守 唐休璟請復四鎮遂命王孝傑擊吐蕃會要

十一月一日復四鎮龜茲于闐疏勒碎葉 **唐休璟傳**又視元年秋吐蕃

大將麴莽布支率騎數萬寇涼州人洪源谷休璟以

兵數千臨高望之被甲先登六戰皆克斬二將獲首

二千五百築京觀而還吐蕃來請和休璟儒而知兵

兵捷

兵捷

自碣石踰四鎮山川夷阻障塞之要皆能言行師未

嘗敗

證聖元年欽陵贊婆攻臨洮王孝傑戰素羅汗山虜

敗還又攻涼州殺都督贊婆死遣左肅政臺御史大

夫魏元忠為隴右諸軍大總管率大使唐休璟出討

方虜攻涼州休璟擊之斬二千級於是論彌薩來朝

請和明年獻馬黃金求昏

唐瓜州長史薛仁貴破突厥

通監永淳元年突厥餘黨骨篤祿元珍等據黑沙城

寇并州及單于府北境薛仁貴擊元珍於雲州大破

薛仁貴傳為瓜州長史右領軍衛將軍檢校代
州都督率兵擊突厥元珍於雲州突厥問曰唐將為
誰曰薛仁貴突厥曰吾聞薛將軍流象州死矣安得
復生仁貴免胄見之突厥皆相視失色下馬羅拜稍
稍遁去仁貴因進擊大破之斬首萬級獲生口三萬
牛羊稱是

唐安西副都護敗突厥

紀永淳元年二月突厥車薄姓十咽麪姓三寇邊四月辛
未裴行儉為金牙道行軍大摠管率三摠管兵以伐
突厥安西副都護王方翼及車薄咽麪戰于熱海敗

兵捷

之傳車薄啜圍弓月城方翼戰伊麗河敗之咽麪
兵十萬踵至方翼次熱海遣騎分道襲之禽首領突
騎施等三百人初葛水暴漲沈祭以禱即涉而濟葉
河無舟而冰一昔合時以為祥西域平
弘道元年二月庚午突厥寇定州刺史霍王元軌令
開城門偃旗幟虜疑不敢入敗之垂拱三年八月寇
朔州燕然道行軍大摠管黑齒常之敗之

唐朔方道行軍大摠管破突厥

通鑑景龍元年五月戊戌右屯衛大將軍張仁愿為
朔方道行軍大摠管備突厥十月丁丑命擊之引兵

萬曆

二

二

二

夜掩其營破之明年二月丙辰築三受降城

唐磧西節度使執西突厥

紀開元二年三月巳亥磧西節度使阿史那獻執西

突厥都檐六月丁卯獻于闐下傳長安中獻為北

庭大都護擢節度使十姓部落都檐叛獻擊斬之傳

首闕下取碎葉以西帳落二萬內屬一六五萬餘帳璽書嘉

慰 壺漿塞陌襁負而來

唐北庭都護敗突厥

紀開元二年二月突厥寇北庭都護郭虔瓘敗之閏

癸未阿失畢降十月十姓胡祿屋郭虔瓘傳開元

等降 三年二月帝置酒勞虔瓘

初遷右驍衛將軍兼都護金山道副大摠管明年二

乙未默啜子同俄特勒圍北庭虔瓘飭壘自守同俄

單騎馳城下勇士徂道左突斬之虜亡酋長丐降二

四月戊午賞功封虔瓘大原郡公食推日逐之遺

種斬天驕之愛息

唐左羽林將軍隴右防禦大使破吐蕃

紀開元二年八月乙亥吐蕃寇邊薛訥攝左羽林軍

將軍為隴右防禦大使右驍衛將軍郭知運為副以

伐之十二月甲子薛訥及吐蕃戰于武階敗之吐

蕃傳本西羌屬居析支水西祖曰鴟提勃悉野健武

多智後其子孫曰吐蕃而姓勃罕野或曰南涼禿髮
利鹿孤之後直京師八千里其國多雷霆積雪自弃
宗弄贊正觀八年始遣使來朝太宗下書臨撫及遣
使求昏帝不許遂勒兵二十萬入寇乃詔吏部尚書
侯君集爲行軍大總管及執失思力牛進達劉蘭並
爲行軍總管率步騎五萬進達自松州夜蹙其營斬
首千級弄贊懼引而去以使者來謝罪固請昏十五
年妻以宗女文成公主禿檀襲統納爲華風遣子
弟入國學習詩書帝伐遼還治黃金爲鵝以獻高宗
擢駙馬進封西海郡王賜餉蕃渥永徽初弄贊死立

孫幼不事故祿東贊相其國顯慶三年復請昏未幾
擊吐谷渾破其國東贊死兄弟並當國自是歲入邊
盡破有諸羌羈縻十二州咸亨元年復入殘羈縻十
八州於是安西四鎮並廢詔以大將軍薛仁貴等進
討初劔南度茂州之西築安戎城以迓其鄙俄爲生
羌導取之以守因并西洱河諸蠻盡臣羊同党項諸
羌其地東與松茂嵩接南極婆羅門西取四鎮北抵
突厥幅員萬餘里漢魏諸戎所無也幾三十年爲邊
患皆其臣欽陵贊婆二人所爲其王弃弩悉弄以其
專欲誅之欽陵自殺贊婆以所部款塞贊普自將兵

萬騎攻悉州都督陳大慈四戰皆克長安二年十月戊申明年

乃獻馬黃金求昏而虜南屬帳皆叛會贊普死隸

踏贊立中宗以雍王守禮女為金城公主妻之詔左

衛大將軍楊矩持節送之景龍元年四月吐蕃因銜怒厚

餉矩請河西九曲為公主湯沐矩表與之九曲者水

草良宜畜牧自是虜益張雄開元二年八月乙亥其相

全達延將兵十萬寇臨洮入攻蘭渭掠監馬詔薛訥

為隴右防禦使與王峻等并力擊之峻等戰武階斬

首萬七千級獲馬羊二十萬又戰長子豐安軍使王

海濱戰死乘之虜大敗眾奔突不能去相枕藉死洮

水為之不流薛訥傳又王峻傳吐蕃大酋全達延乞力

徐等眾十萬寇臨洮次大來谷全達延以兵踵而前

峻率所部二千與臨洮軍合料奇兵七百易胡服夜

襲去賊五里士大呼鼓角應之賊驚疑自鬪死者萬

計訥至武階距大來谷二十里峻迎訥郭知運與訥峻

相倚角夜使壯士銜枚鑿突虜駭去追至洮水敗之俘

獲如積又戰長城堡殺虜數萬禽其酋六鄉彌洪命

紫微舍人倪若水即軍陟功狀先是十月甲子戰武

階駢大克乙田罷親征

唐松州都督破吐蕃

紀開元四年二月辛酉吐蕃寇松州癸酉都督孫仁獻及吐蕃戰敗之七月丁丑請和

唐大武軍子將斬默啜

紀開元四年六月癸酉大武軍子將郝靈佺殺突厥

默啜突厥傳骨啜祿死默啜自立為可汗篡位數

年始攻靈州多殺略士民武后以薛懷義發十八將

軍擊之延載元三月不見虜還會契丹李盡忠反默啜請

擊賊自效詔冊拜遷善可汗又冊立功報國可汗天

玩神功胖遣使求六州降戶并粟農器鐵等元后不許

嘿啜怨為慢言執使者田歸道乃歸粟器降人數千

帳由是突厥遂強負勝輕中國有驕志大振兵與頡

利時略等中宗詔張仁亶為朔方摠管明年築三受

降城於河外障絕寇路初景雲中默啜西滅婆葛遂

役屬契丹奚因因虐用其下既年老愈昏暴部落怨

叛元宗時開元二年四月壬子十姓請降葛邏祿等亦率衆內

附虜勢浸削會嘿啜討九姓拔野古戰獨樂河拔野

古大敗嘿啜歸不為備道大林中拔曳固野殘衆突

出擊斬之乃與入蕃使郝靈佺傳首京師

唐冠軍大將軍隴右諸軍節度大使鄯州

都督兼隴右經略使敗吐蕃獻獲

紀開元五年七月壬寅郭知運及吐蕃戰敗之 **郭**

知運傳突厥降戶叛執單于都護張知運詔以朔方

兵追擊至黑山呼延谷敗之取副都護還詔兼經略

使營柳城開元五年大破吐蕃獻俘京師六年正月甲子獻俘

明年復出將輕兵丙夜至九曲獲精甲名馬犛牛甚

衆既獻獲詔分賜文武五品以上及朝集使 **紀開**

元二十八年三月壬子益州司馬章仇兼瓊敗吐蕃

克安戎城五月癸卯寇城又敗之詔收城曰平戊

唐朝方軍節度大使執蘭池胡

紀開元九年八月蘭池胡康願子寇邊是年四月庚寅康待賓寇

兵捷匪

邊七月巳酉王峻十年四月巳亥張說持節朔方軍

節度大使閏月壬申張說巡邊九月張說敗康願子

于木盤山執之張說傳王峻討蘭池叛胡康待賓

詔說經略時党項羌亦攻銀城說擊破之羌胡相猜

待賓遁入鐵建山餘衆奔潰明年為朔方大使時慶

州方渠降胡康願子反自為可汗掠牧馬西涉河出

塞說進討至木槃山禽之俘獲三千

唐北庭節度使破吐蕃

紀開元十年九月癸未吐蕃攻小勃律北庭節度使

張孝嵩敗之吐蕃傳十年攻小勃律國其土文謹

萬曆 卷之二

忙詔書孝嵩曰勃律唐西門失之則西方諸國皆墮吐蕃都護圖之孝嵩遣疏勒副使張思禮以步騎四千晝夜馳與謹忙兵夾擊吐蕃死者數萬多取鎧仗馬羊復九城故地始勃律王來朝父事帝還國置綏遠軍以扞吐蕃故歲常戰吐蕃每曰我非利若國我假道攻四鎮爾及是累歲不出兵於是隴右節度使王君奭請深入取償十二年破吐蕃獻俘其後吐蕃西擊勃律帝諭令罷兵不聽卒殘其國

唐朔方軍節度大使兵部尚書信安王禕破突厥

兵捷唐

實錄開元十年十一月丙申偉凱旋引將士見帝置

酒享之勅曰窮寇覆巢而奔北羣師掉鞅而來歸又冊府

唐河西隴右節度使破吐蕃

紀開元十五年正月辛丑河西隴右節度使王君奭

及吐蕃戰于青海敗之四月丙午君奭凱旋詔置食

一云置酒內殿王君奭傳為節度判涼州都督事十四年

悉諾邏寇大斗拔谷遂攻甘州君奭勒兵避不戰會

大雪吐蕃趨西道歸豫遣謀出塞燒野草皆盡悉諾

邏頓大非川無所牧馬死過半間其怠率秦州都督

張景順約齎窮躡出青海西乘冰渡襲破之虜留輜

嘉祥

一年

王每卷二百九十一

三九

馬志刊

重疲弱，俘以旋凱旋。元宗宴君奭及妻，夏於順達樓，賜金帛。蹈赤山焚，蜀幕獵青海，驅犛牛。

唐河西節度使判涼州事破吐蕃露布

紀開元十五年九月吐蕃寇瓜州，執刺史田元獻。閏月回紇襲甘州，王君奭死之。十六年七月吐蕃寇瓜州，刺史張守珪敗之。乙巳隴右節度使張志亮河西節度使蕭嵩克吐蕃大莫門城。通監破吐蕃於渴波谷八月辛卯及吐蕃戰于祁連城，敗之。蕭嵩傳吐蕃大將悉諾邏恭祿及燭龍莽布支陷瓜州，回紇又殺涼州守將王君奭。河隴大震，帝擇堪任邊者。十五年十月辛

兵捷唐

已徙嵩河西節度使判涼州事。嵩以建康軍使張

瑋為瓜州刺史，及裴寬、郭虛己、牛仙客置幕府，立

塢保邊人。於是悉諾邏恭祿威懾諸部，吐蕃倚其

噬邊，嵩乃縱反間，贊普誅之。使悉末明攻瓜州，守

拒甚力。虜引卻，會鄯州都督張志亮破賊青海西

莫門城焚。嵩又遣副將杜賓客隴古節率強弩四十

戰祁連城下，自晨鬪迄晡，斬一將。吐蕃傳云傷副將

虜哭震山谷，露布至，帝大悅。又明年，用武三守

珪率伊沙等州兵破虜大同軍。

唐雋州都督克雲南

開元十七年二月丁卯，嵩州都督張審素攻雲南昆明城鹽城。傳元宗詔特進何履光以兵定南詔，境取安寧城及五鹽井，復立馬援銅柱。朕覽光績，特遣兵伐雲南。

唐隴右節度副大使信安王禕克石堡

吐蕃傳開元中，十月，信安王禕出隴西拔石堡

城，即置振武軍，獻俘於廟。其後吐蕃請和不許，乃

悉衆四十萬攻承風堡，又襲攻振武軍，蓋嘉運不能

守。天寶四載八月，隴右節度皇甫惟明戰石堡，不克。

又明年，雜胡破，帝以哥舒翰節度隴右。八載，詔肅以

肅

朔方河東郡兵十萬攻石堡城，數日未克。翰怒，授其將高秀巖、張守瑜將斬之。秀巖請三日期，如期而下，更號神武軍。又擒其相兀論樣郭遂，以赤領為西塞。開屯田，備軍實。紀天寶八載六月乙卯，隴右節度使哥舒翰及吐蕃戰石堡城，敗之。唯六胡武軍。實錄哥舒翰收石堡獻功，帝御丹鳳樓會羣臣，下制褒獎。

唐河北河東道行軍元帥禽奚契丹

紀開元十八年五月乙酉，奚契丹附于突厥。六月，

子忠王浚，肅為河北道行軍元帥。九月丁巳，忠王浚

子忠王浚

兼河東道諸軍元帥二十年正月信安王禕為河東
河東道諸軍副元帥以伐奚契丹三月己巳信安王禕
及奚契丹戰于薊州敗之五月戊申忠王浚俘奚契
丹以獻通監開元十八年初契丹王李邵固遣可
突干入貢同平章事李元紘不禮焉左丞相張說謂
人曰奚契丹必叛可突干狡而很專其國政久矣人
心附之今失其心必不來矣五月乙酉可突干欲劫
固帥其國人并脅奚衆叛降突厥奚王李魯蘇及其
妻常氏劄固妻陳氏皆來奔制幽州長史趙含章討
之又命中書省人裴寬給事中薛胤等於關內河東

河南北分道募勇士六月丙子以單于大都護忠王
浚領河北道行軍元帥以御史李朝隱京兆尹裴奩
先副之帥十八總管以討奚契丹命浚與百官相見
於光順門張說退謂學士孫逖韋述曰吾嘗觀太宗
畫像雅類忠王此社稷之福也可突干寇平盧先鋒
使張掖烏承玼破之於捺祿山秋九月丁巳以忠王
浚兼河東道元帥然竟不行二十年春正月乙卯以
朔方節度副大使信安王禕為河東河北行軍大摠
管將兵擊奚契丹壬申以戶部侍郎裴耀卿為副摠
管三月信安王禕帥裴耀卿及幽州節度使趙含章

分道擊奚契丹。含章與虜遇，虜望風遁去。平盧元鋒將烏承此言於含章曰：「二虜劇賊也。前日遁去，非畏我乃誘我也。宜按兵以觀其變。」含章不從。與虜戰於白山，果大敗。承此別引兵出其右，擊虜破之。已巳，禕等大破奚契丹，俘斬甚衆。可突干帥麾下遠遁，餘黨潛竄山谷。奚首李詩、瑣高帥五千餘，帳來降。禕引兵還，賜李詩爵歸義王，歸義州都督。徙部落置幽州境內。**肅宗紀**：開元十八年，奚契丹寇邊，乃以帝爲河北道行軍元帥，遣御史大夫李朝隱等八摠管兵十萬伐之。居二歲，朝隱等敗契丹於范陽北。**信安王**

傳率裴耀卿諸將分道出范陽北，擊二蕃破之。禽酋長以還，餘部竄伏。**契丹傳**：本東胡種，其先爲匈奴

所破，保鮮卑山。至元魏，自號曰契丹。其君大賀氏開

元二年，王失活率部落來歸。元宗賜丹書鐵券。後三

年，失活死，弟娑固襲封。元宗置松漠府，以失活爲都

督。松漠郡王有可突干者，勇悍得衆。娑固欲去之，死

爲所攻，娑固死。可突干遣使者謝罪，詔赦之。乃奉邵

固統衆，詔許襲王。明年，可突干來朝，不爲宰相。李元

紘所禮，鞅鞅去。後三年，遂殺邵固，立屈烈爲王。脅奚

衆共降突厥，詔拜忠王。浚河北道行軍元帥。云可

突于走奚衆降王以二蕃俘級告諸廟王不行

唐幽州長史河北節度副大使俘契丹

紀開元二十二年六月壬辰幽州節度使張守珪俘

契丹以獻十二月乙巳守珪及契丹戰敗之殺其王

屈烈二十五年三月乙酉守珪及契丹戰于捺祿山

敗之詔自今戰有功必告廟傳開元三年契丹娑

固襲封松漠郡王有可突于者反攻娑固奉娑弟鬱

子為君遣使謝罪詔拜鬱子為王而赦可突于左羽

林衛將軍鬱子死弟吐子嗣與可突于有隙携公主

來奔可突于奉邵固統衆詔許襲王徙封禪封王廣

丘捷唐

化郡以宗室山女為東華公主妻邵固後三年可突

于殺劭固立屈烈為王習奚衆共降突厥公主走平

盧軍拜忠王浚河北道元帥信安郡王禕副元帥與

范陽節度趙含章擊之大破之明年二十一年閏可

突于盜邊幽王長史薛楚玉等不能制烏知義羅守

忠敗郭英傑吳克勤死之帝擢張守珪為幽州長史

河北節度副大使每戰輒勝虜遂大敗帝喜詔有司

告九廟屈刺及突于恐懼乃詐降守珪得其情遣左

衛騎曹王悔詣部計事屈刺即屈烈也無降意徙帳稍西

北密引突厥衆將殺悔其衙官李過折與可突于爭

嘉 丁巳年 二月 三十一日 三十一日

權不叶。悔因間誘之夜，斬屈刺及可突干，盡滅其黨。以衆降，守珪次紫蒙川，大閱軍實，賞將士，傳屈刺突干首於東都，拜過析北平郡王為松漠都督。冊府元龜開元二十年三月，信安王禕及幽州長史趙含章大破叛奚及契丹於幽州之北，敕曰：「干旄所指，不戰而潰，山谷遺類盡為俘馘，疾如震霆，動若神助，宜擇日告享陵廟。」張九齡作開元紀功德頌曰：「出幽陵兮，輜九夷，簸赤山兮，蕩滄海。」

唐磧西節度使執突騎施 大廟獻俘

紀開元二十三年十月戊申，突騎施寇邊，二十四年

興捷唐

正月丙午，北庭都護蓋嘉運敗之。八月甲寅，請和二

十七年八月乙亥，磧西節度使蓋嘉運敗突騎施于

賀邏嶺，執其可汗吐火仙。傳嘉運俘吐火仙骨獻太廟突厥傳

突騎施別種蘇祿自為可汗，雄西域。開元五年來朝，

然詭猾不純，臣于唐。天子羈係之，進號忠順可汗。陰

結吐蕃掠四鎮，圍安西城，俄而大首領莫賀達干都

摩支殺蘇祿。通典二都摩支立蘇祿子吐火仙骨啜

為可汗，居碎葉城，共擊達干。帝使磧西節度使蓋嘉

運和撫西方諸國，達干與嘉運率石王史王共擊蘇

祿子，破之，碎葉城吐火仙奔，走禽之，斬黑如可汗。

與弟撥斯入曳建城諸國皆降諸部上書謝願以部落附安西永為外臣許之以阿史那懷道子昕為十姓可汗達干怒誘諸落叛詔嘉運招諭乃率纛官首領降遂命統其衆
通典開元二十七年安西都護蓋嘉運率將士詣闕獻俘上御花萼樓宴之以吐火仙獻太廟

唐河西節度副大使敗吐蕃

紀開元二十五年三月辛卯河西節度副大使崔希逸及吐蕃戰于青海敗之二十六年三月癸巳寇河西希逸敗之鄯州都督杜希望克其新城二十七年

兵捷唐

八月壬午寇邊河西隴右節度使蕭景敗之天寶元年十二月戊戌隴右節度使皇甫惟明及吐蕃戰于青海敗之庚子河西節度使王倕克吐蕃漁海游奕軍二年四月己卯皇甫惟明克吐蕃洪濟城
傳景景河西留後杜希望隴右留後分道經略碎赤嶺碎希望發鄯州兵奪虜河橋並河築鹽泉城號鎮西軍破吐蕃兵三萬天寶元年惟明破虜大嶺軍戰青海破莽布之斬三萬級
孫逖賀云合戰之時反風破敵決之之後卿雲霧空

唐四鎮節度使克達奚諸部

兵捷唐

王海卷一百六十一

三十五

得夫蒙靈言為四鎮節度會遠奚諸部叛自山
趨碎葉有詔遠擊靈言使都知兵馬使高仙芝以二
千騎追擊遠奚行遠人馬疲會戰略盡封常清等
下潛作捷布具記并泉次舍克賊形執謀略

唐朝方節度使靈州都督王忠嗣破才
可汗 大同靜邊城 平戎十八策

王忠嗣傳開元二十九年節度朔方兼靈州都督天
寶元年軒二月北討奚怒皆戰紫乾河三遇三克耀
武漢北高會而還時突厥新有難忠嗣進軍積口經
略之烏蘇米施可汗請降忠嗣以其方強特文降爾

乃營木刺蘭山謀虛實因上平戎十八策縱反間於
拔悉蜜與葛邏祿回紇三部攻多羅斯城涉昆水斬
米施可汗三載八月丙午築大同靜邊二城徙清塞橫野軍
實之併受降振武為一城自是虜不敢盜塞 突厥

傳天寶初突厥大部回紇葛邏祿拔悉蜜並起殺葉
護國人奉判闕特勒子為烏蘇米施可汗帝使使折
諭令內附烏蘇不聽其下不與拔悉蜜等三部共攻
烏蘇米施三載八月丙午拔悉蜜等殺米施傳首京師獻
太廟其弟白眉可汗立於是突厥大亂國人推拔悉
蜜酋為可汗詔朔方節度王忠嗣以兵乘其亂抵薩

河內山擊其左阿波達干十一部破之四載止獨其
右未下而回紇葛邏祿殺拔悉蜜可汗奉回紇骨力
裴羅為首咄祿毗伽闕可汗明年殺白眉可汗傳首
以獻毗伽可汗妻骨咄祿婆匄可汗亦率眾自歸天
子御花萼樓宴群臣賦詩美其事突厥遂滅通鑑
天寶元年八月丁亥突厥西葉護千餘帳來降九月
辛亥上御花萼樓宴突厥降者賞賜甚厚以狄攻
狄寧勞六月之師有征無戰豈待三年之克

唐安西副都護平小勃律國

紀天寶六載安西副都護高仙芝及小勃律國戰敗

其捷唐

之高仙芝傳開元末為安西副都護小勃律其王
為吐蕃所誘妻以女故西北二十餘國皆羈屬吐蕃
自田仁琬以來三討之皆無功天寶六載詔仙芝以
步騎一萬出討仙芝自安西過撥換城入握瑟德經
疏勒登葱嶺涉播密川遂頓特勒滿川行凡百日特
勒滿川即五識匿國也仙芝分軍為三使疏勒趙崇
毗自北谷道撥換賈宗瓘自赤佛道仙芝與監軍邊
令誠自護蜜俱入約會連雲堡涉婆勒川遂登山挑
戰日未中破之披其城斬五千級生禽千人馬千餘
匹衣資器甲數萬計仙芝欲遂深入遂引師進坦駒

嶺下娑夷河也弱水既行三日越胡來迎明日三阿弩

越城遣將軍席元慶以精騎一千先往謂小勃律王

曰不闕若城吾假道趨大勃律耳城中大酋領皆吐

蕃腹心仙芝密令元慶賜以繒綵至皆縛以待仙芝

至悉斬之王蘇失利之及妻逃山穴仙芝招諭乃出

降因平其國急遣元慶斷娑夷橋其暮吐蕃至不克

渡八月仙芝以小勃律王及妻自赤佛道還連雲堡

與令誠俱班師於是拂菻大食諸胡七十二國皆震

懾降附詔改其國號歸仁置歸仁軍募千人鎮之帝

赦蘇失利之不誅西域傳小勃律去京師九千里

王居孽多城臨娑夷水開元初王沒謹忙來朝元宗

以兒子蓄之以其地為綏遠軍吐蕃奪其九城求救

北廷節度使張孝嵩遣疏勒副使張思禮率銳兵四

千倍道往大破吐蕃復九城詔冊為小勃律三

唐安西四鎮節度使執突騎施石國王

開遠門獻俘

紀天寶十載正月戊申高仙芝執突騎施可汗及石

國王傳仙芝劾石國王無蕃臣禮九載請討之王

約降仙芝遣使者護送至開遠門俘以獻斬闕下實錄

御勤政樓石或曰拓支曰拓析漢大宛北鄙也詳臣引見

丁巳年

武德正觀間數獻方物顯慶三年以瞰羯城大宛
都督府授其王都督開元初封石國王二十八年又
冊順義王天寶初封王子那俱車鼻施為懷化王賜
鐵券

玉海卷第一百九十一

